

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/65, 14.04.2022թ.

Բողոք բերող անձ՝ «ԷՅՁ ԶԻ ԷՅՁ ՔՈՄՓԱՆԻ» ՍՊԸ

Պատվիրատու՝ ՀՀ էկոնոմիկայի նախարարություն

Գնման ընթացակարգի ծածկագիրը՝ ՀՀԷՆ-ԷԱՃԱՊՁԲ-22/18

Գնման առարկան՝ տավարի ականջների պիտակների ձեռքբերում

Բողոքի պահանջը՝ պարտավորեցնել «ՀՀԷՆ-ԷԱՃԱՊՁԲ-22/18» ծածկագրերով գնման ընթացակարգի գնահատող հանձնաժողովին ընթացակարգը հայտարարել չկայացած:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն

օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին
Հասցե՝ Մելիք Ադամյան 1, Երևան քաղ.

Բողոք բերող անձ՝ «Էյջ Ջի Էյջ Քոմփանի» ՍՊԸ
տնօրեն Ն. Հարությունյան
Հասցե՝ Երևան քաղ., Այգեստան 9/69, 55բն.
Էլ. հասցե՝ hgh.company@mail.ru, հեռ. 95-909009

Պատվիրատու՝ ՀՀ էկոնոմիկայի նախարարություն
Հասցե՝ ՀՀ, Երևան քաղ., Միեր Մկրտչյան 5

Ընթացակարգի ծածկագիր՝ ՀՀԷՆ-ԷԱՃԱՊՁԲ-22/18

Գնման առարկան՝ էլեկտրոնային աճուրդի միջոցով
տավարի ականջների պիտակների ձեռքբերում

Բ Ո Ղ Ո Ք

1. Վեճի առարկան.

ՀՀ էկոնոմիկայի նախարարությունը հայտարարել էր ՀՀԷՆ-ԷԱՃԱՊՁԲ-22/18 ծածկագրով էլեկտրոնային աճուրդ (հետայսու՝ նաև Ընթացակարգ), որն իրականացվել է eauction.armeps.am համակարգի միջոցով:

ՀՀԷՆ-ԷԱՃԱՊՁԲ-22/18 ծածկագրով ընթացակարգի էլեկտրոնային աճուրդի միջոցով ընտրված մասնակցին կառաջարկվի կնքել տավարի ականջների պիտակների ձեռքբերման մատակարարման պայմանագիր:

ՀՀԷՆ-ԷԱՃԱՊՁԲ-22/18 ծածկագրով ընթացակարգին մասնակցության հայտ է ներկայացրել «ZTOWN Development» LLP ընկերությունը, «Էյջ Ջի Էյջ Քոմփանի» ՍՊ ընկերությունը (հետայսու՝ նաև Ընկերություն) եւ եւս հինգ այլ ընկերություններ:

Հայտերի ներկայացման վերջնաժամկետը եղել է 24.03.2022թ: Հստակապես հրավերի՝ հայտերի բացումը տեղի է ունեցել էլեկտրոնային ձևով՝ eauction.armeps.am համակարգի միջոցով: Էլեկտրոնային աճուրդը կայացել է 25.03.2022թ ժամը՝ 11:00-ին:

Ընթացակարգի գնահատող հանձնաժողովը 25 մարտի 2022թ թիվ 2-րդ արձանագրության 2 .1 կետով արձանագրել է, որ «Նվազագույն գին առաջարկված մասնակցի «ZTOWN Development» LLP ընկերության կողմից ներկայացված հայտում բացակայում էր հայտի ապահովումը եւ որոշել է՝ հիմք ընդունելով ՀՀ կառավարության 2017թ մայիսի 4-ի N 526-Ն որոշման 41-րդ կետը՝ ծանուցվել է վերոհիշյալ մասնակցին՝ առաջարկելով մինչեւ կասեցման ժամկետի ավարտը շտկել անհամապատասխանությունը:»

Ընթացակարգի գնահատող հանձնաժողովը 07 ապրիլի 2022 թվականի թիվ 3-րդ արձանագրությամբ որոշել է.

«Ընդունել ի գիտություն, որ՝ Ամփոփելով ՀՀԷՆ-ԷԱՃԱՊՁԲ-22/2 ծածկագրով ընթացակարգը՝ արձանագրում ենք, որ նվազագույն գին առաջարկած մասնակցի՝ «ZTOWN Development» LLP ընկերության կողմից ներկայացված հայտում բացակայում էր հայտի ապահովումը:

Համաձայն ՀՀ կառավարության 2017թ մայիսի 4-ի N 526-Ն որոշման 41-րդ կետի, ծանուցվել է վերոհիշյալ մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Գնահատող հանձնաժողովը 09/4805-2022 գրությամբ դիմել է ՀՀ ֆինանսների նախարարություն, վերոհիշյալ կանխիկ փողի ձեռով հայտի ապահովման վերաբերյալ տեղեկատվություն ստանալու նպատակով: Ի պատասխան վերոհիշյալի ՀՀ ֆինանսների նախարարությունը տրամադրել է Ղազախստանի Հանրապետության «ZTOWN Development» LLC ընկերության կողմից 29.03.2022թ կատարած վճարումները հավաստող մեմորիալ օրդերները:

Գնահատող հանձնաժողովը, ներկայացված փաստաթղթերի ուսումնասիրության եւ գնահատման արդյունքում, որոշեց

ա/ ընթացակարգի ընտրված մասնակից ճանաչել «ZTOWN Development» LLC ընկերությանը:

Հիմք ընդունելով «Գնումների մասին» ՀՀ օրենքի 10-րդ հոդվածի 3-րդ կետը՝ անգործության ժամկետ է սահմանվել 10 օրացուցային օր: Առաջնորդվելով «Գնումների մասին» ՀՀ օրենքի 36-րդ հոդվածով եւ հրավերով սահմանված կարգով՝ կկնքվի պայմանագիր ընտրված մասնակցի հետ:»

2.Բողոքի փաստական եւ հրավական հիմքերը.

«Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի գնումների եւ գնումների գործընթացի տնտեսող, արդյունավետ եւ օգտավետ իրականացումը:

Համաձայն Օրենքի 3-րդ հոդվածի 2-րդ մասի Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային եւ ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում եւ նրանց միջեւ մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

ՀՀ կառավարության 2017թ մայիսի 4-ի N 526-Ն որոշման (հետայսու՝ նաեւ Կարգ) 32-րդ կետի է) ենթակետի համաձայն՝ *հրավերով նախատեսվում է նաեւ՝ հրավերով նախատեսված դեպքերում հայտի ապահովում: Եթե հայտի ապահովումը ներկայացվում է բանկային երաշխիքի ձեռով, ապա գնման ընթացակարգն էլեկտրոնային եղանակով կազմակերպված լինելու դեպքում ներկայացվում է երաշխիքի բնօրինակից արտատպված (սկանավորված) տարբերակը՝ պայմանով, որ դրա բնօրինակը գնահատող հանձնաժողովին ներկայացնում է*

մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երեւանի ժամանակով 17:00-ն ուղեկցող գրությամբ,

Կարգի 41-րդ կետի համաձայն՝ Եթե հայտերի բացման եւ գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Կարգի 42-րդ կետի համաձայն՝ Եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար եւ մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Հրավերի 4.3 կետի 4-րդ ենթակետի համաձայն՝ մասնակիցը հայտով ներկայացնում է՝ հայտի ապահովում կանխիկ փողի կամ բանկային երաշխիքի ձևով: Ապահովումը կանխիկ փողի ձևով ներկայացվելու դեպքում մասնակիցը հայտում ներառում է դրա վճարումը հավաստող փաստաթղթից, իսկ բանկային երաշխիքի ձևով ներկայացվելու դեպքում՝ բնօրինակից արտատված (սկանավորված) ընթեռնելի տարբերակը: Առաջին տեղը զբաղեցրած մասնակիցը բանկային երաշխիքի բնօրինակը գնահատող հանձնաժողովին ներկայացնում է աճուրդի արդյունքներն ավարտվելուն հաջորդող աշխատանքային օրվա Երեւանի ժամանակով 17:00-ն ուղեկցող գրությամբ:

Հրավերի 7.4 կետի համաձայն՝ Հայտի ապահովումը պետք է վավեր լինի հայտը ներկայացվելու օրվանից հաշված 90 (իննսուն) աշխատանքային օր: . . .

Ներկայացված իրավական կարգավորումների եւ հրավերով սահմանված պահանջների լույսի ներքո գնահատելով Ընթացակարգով արձանագրվածը եւ ընտրված մասնակից ճանաչված ընկերության ներկայցրած հայտը, ապա ընթացակարգի գնահատող հանձնաժողովը պետք է մերժեր մասնակցի հայտը եւ ոչ թե ճանաչեր ընտրված մասնակից:

Այսպես.

Հրավերով պահանջվող հայտի ապահովումը պետք է առկա լինի հայտը ներկայացնելու պահին եւ նշանակություն չունի դա կլինի կանխիկ փողի ձևով, թե՛ բանկային երաշխիքի ձևով: Հրավերով նախատեսված կարգով հայտի ապահովումը պետք է վավեր լինի հրավերը ներկայացնելու օրվանից հաշված, ինչը նշանակում է, որ մասնակիցը հայտը ներկայցնելու օրվա դրությամբ արդեն իսկ պետք է ունենա հայտի ապահովումը հիմնավորող փաստաթուղթ՝ բանկային երաշխիքի ձևով կամ փողի ձևով վճարումը հավաստող փաստաթղթով:

Ընթացակարգով ընտրված մասնակից ճանաչված ընկերությունը հայտը ներկայացնելու օրվա դրությամբ չի ունեցել հայտի ապահովում: Հայտի ապահովումը փողի տեսքով վճարումը կատարվել է 29.03.2022 թվականին, մինչդեռ հայտերի ներկայացման վերջնաժամկետ է սահմանված է եղել 24.03.2022 թվականը:

Ընթացակարգի գնահատող հանձնաժողովը 25.03.2022 թվականի արձանագրությամբ որոշել է կասեցնել նիստը հավանաբար Կարգով սահմանված մեկ աշխատանքային օրով, սակայն 25.03.2022 թվականի որոշումից չենք կարող արձանագրել, որ հանձնաժողովը մեկ օրով է կասեցրել նիստը: Եթե գնահատող հանձնաժողովը մեկ աշխատանքային օրով կասեցնեք նիստը, ապա այն պետք է վերսկսեր 28.03.2022 թվականին կամ 29.03.2022 թվականին (25.03.2022-ից հետո 26, 27 ոչ աշխատանքային օրեր են եղել), մինչդեռ՝ գնահատող հանձնաժողովի հաջորդ նիստը տեղի է ունեցել 07 ապրիլի 2022 թվականին, իսկ ժամը հայտնի չէ:

Գնահատող հանձնաժողովը 07.04.2022թ որոշմամբ արձանագրել է, որ մասնակիցը սահմանված ժամկետում շտկել է անհամապատասխանությունը, սակայն 25.03.2022թ արձանագրությունով սահմանված ժամկետի մասին ոչինչ արձանագրված չէ: Բացի այդ, եթե շտկման վերաբերյալ մասնակիցը ներկայացրած լինեք հավաստող ապացույց, ապա այդ դեպքում ինչպիսի հանգամանքից էլնելով է գնահատող հանձնաժողովը հարցում արել ՀՀ ֆինանսների նախարարությանը եւ 07.04.2022թ արձանագրությամբ հղում արել ՀՀ ֆինանսների նախարարության կողմից տրամադրված 29.03.2022թ կատարված վճարային օրդերներին, մինչդեռ՝ 07.04.2022թ արձանագրությամբ գնահատող հանձնաժողովը պետք է նշեք մասնակցի կողմից ներկայացված փաստաթղթից տվյալներ, ինչպես սահմանված է հրավերի 4.3 կետի 4-րդ ենթակետով *Ապահովումը կանխիկ փողի ձևով ներկայացվելու դեպքում մասնակիցը հայտում ներառում է դրա վճարումը հավաստող փաստաթղթից:*

Վերը ներկայացված փաստերը եւ իրավական կարգավորումները հիմնավորում են, որ ՀՀԷՆ-ԷԱՃԱՊԶԲ-22/18 գնման ընթացակարգը իրականացվել է իրավախախտումներով եւ «ZTOWN Development» LLC ընկերությունը չէր կարող ընտրված մասնակից ճանաչվեր, քանի որ հայտը ներկայացնելու օրվա դրությամբ չի ունեցել վավեր հայտի ապահովում:

Ի դեպ համաձայն գնահատող հանձնաժողովի 25.03.2022թ արձանագրության հայտ է ներկայացրել «ZTOWN Development» LLP ընկերությունը, իսկ ընտրված մասնակից է ճանաչվել «ZTOWN Development» LLC ընկերությունը:

Ելնելով վերոգրյալից՝

Խնդրում եմ

պարտավորեցնել ՀՀԷՆ-ԷԱՃԱՊԶԲ-22/18 ծածկագրով ընթացակարգի գնահատող հանձնաժողովին գնման ընթացակարգը հայտարարել չկայացած:

Կից ներկայացվում են.

1. բողոք ներկայացնելու համար վճարման անդորրագրի պատճեն,
2. անձը հաստատող փաստաթղթի պատճեն:

«Էյջ Զի Էյջ Քոմփանի» ՍՊԸ տնօրեն

14 ապրիլի, 2022թ

Հ. Հարությունյան

